

73925

堆 7326

36.84

部 10.8

卷之八 藝文

詩

大嶽太和山紀畧

大嶽太和山紀畧卷之八

詩 五言律

明

南巖宮

崔 桐 叅議

古木懸孤嶂，虛巖綴百靈。亭陰侵座爽，林影上衣青。
地寂年爲日，雲屯晝欲暝。何方迴白首，於此問參苓。

又

傳聞天柱下，幽勝更清微。峯合天長隔，谿寒雲不飛。
花崖懸乳石，竹隴對瓊扉。未有凌雲翼，空成悵望歸。

大嶽太和山紀畧

卷八 詩

太和宮

王 鎔 副使

太乙涵元氣，中原獨此山。神功移閭苑，帝力壯仙寰。
嶂合茅堂杳，林迴野色閒。烟霞酬夙志，解組扣松關。
紫霄宮

福地臨仙館，旗峯列蕊宮。劍亭雙樹直，丹井百泉通。
雲臥宵衣薄，天青斗柄融。坐觀時復暇，疏奏理絲桐。
朝天宮

峻極封山嶽，凌空響珮珣。雲開金闕迥，磴轉玉臺遙。
紫翠羣峰抱，香燈萬國朝。星辰疑可摘，羽翼上烟霄。

南巖宮

採芝凌絕巘對奕坐虛亭洞古雷神秘潭沉龍氣腥
紫霄仍下界青鳥自東溟已覺非人世應無俗慮嬰
玉虛宮

隱隱仙岩度冥冥霧靄收雲汀朱鴈落春草赤麟遊
貝闕諸宮亞真源九曲流羽人衣鳥在天樂下西樓

太和山

廖道南學士

天柱丹梯上皇崖紫氣深銀河浮碧落玉宇隔遙林
露濕仙人掌雲分帝子岑詞臣多逸興春賦有餘音

大嶽太和巖畧

卷八詩

二

南巖宮

信步南岩下儵儵物外情瑤壇青鳥落玉洞紫芝明
龍去虛丹井仙歸有石枰何當謝塵鞅於此學長生
太和山

蕭一中叅政

雲漢雙無迥乾坤一望中鈞天聞絕響太乙自生風
海色搖空碧蓬萊映日紅桃源知不遠無地覓仙蹤

登太和山

朱箎御史

一嶽撐空碧凭欄俯岫雲堯天孤柱立楚甸一江分
遠壑生靈籟香烟吐瑞氛黃冠來問訣愧我尚無聞

太和山

李延康 命事

洞口含烟碧山腰倚閣虛羽衣黃髮老靈境白雲居
石髓通丹竈松花落枕書長生如可學解組望霞裾

南巖宮

戴時宗 都御

始入南天路還知別有天仙宮懸石壁道室插雲巔
丹壑聞清籟青松記昔年飛昇臺尚在欲結愧無緣

薄暮太和

金屋倚天開環圍洞九垓夕陽初餞谷蘿貞已臨臺
暝色依烏鳥秋痕上榭梅異人逢夜話更覺洗心埃

大嶽太和山紀畧

卷八詩

三

入南巖崖下

章煥 都御

誤入南岩路頗疑別有天深谿千仞落飛閣一巢懸
鳴澗當窻急長松拂障眠此中能避世箕坐已忘年

贈自然庵道士

問訊清虛客修真尚此庵元宗應自悟大道頗能諳
汲水龍歸鉢燒符虎入籃因君脫此網吾意欲投簪

太和宮

孫應鰲 都御

天柱開金闕虹梁綴玉墀勢雄中漢表氣渾太初時
日月抵雙璧神靈肅萬儀名山遊歷遍誰似此山奇

入仙關

李宗木 內御舉人

禮部郎中

雲履緣青磴，寒芳蘚石隈。虎風寒白晝，龍氣隱春雷。
鳥向日邊度，人從天上迴。清寧屬勝境，終古仰崔嵬。

登太和山卽事

王世貞 都御史

名出登封晚，功存象帝先。山疑鞭石就，室似鑿空懸。
有壑難窺地，無峯不刺天。所遊疑夢境，回首卽茫然。

又

天門揮手是宛轉，尚干盤但語中原。小那論行路難。

太和山紀畧

卷八詩

四

夜分先得日，春去獨留寒。不盡登臨意，翛然思羽翰。

又

脉借崑崙遠，聲欺太華卑。上分天一半，橫跨地三垂。

不盡松杉壽，毋妨鸛雀危。祇憐來往客，未解治貪痴。

念賣藥者住懸崖一小龕中贈五龍吳道士

董裕 都御史

豈是韓康後，逃人入窈冥。捫壁窮千丈，巢雲借五丁。
現前皆白石，合下有黃庭。曾否探元理，因之脫穢腥。

南巖宮

陳文燭 參政

怪石從中起，岩扉百丈陰。摩空驚過鳥，積雪在深林。
到此真無暑，令人發朗吟。飛昇如可托，肯復戀朝簪。

五龍宮

仙子今何在，宮名尚五龍。山深時作雨，溪響不聞鐘。
獨往無同伴，何緣覓去蹤。諸峯羅列處，一一繡芙蓉。

遇真宮

正有真人想，其如遇渺然。人言臨福地，吾意在先天。
歲月山中老，乾坤此際懸。偶來仍駐屐，笙鶴下翩翩。

玉虛宮訪周小顛

李

蔭

刑部主事

大嶽太和山紀畧

卷八詩

五

在昔聞高蹈，相逢愜此心。片雲丹竈冷，飛雨翠岩深。
招隱非無意，懷仙時有吟。枯桐空自搏，猶未遇知音。
送法光遊武當

道人元不住，逸跡任天涯。此去看元嶽，翱翔帝子家。
題詩當澗竹，瀹茗對巖花。應共吹簫侶，三天弄紫霞。

仙關

閔繼迪

梁南人

不藉江山險，人天一步分。入門俱法界，出路卽塵氛。
古樹危騎石，仙衣舊掛雲。何時謝簪紱，來就鶴猿羣。

同吳明卿登望嶽樓

梁嶽

剩有三天興同登百尺樓地緣參嶺勝城帶漢江流
縱酒談偏劇憑高思轉幽多才憐季重延賞恣賡酬

雨宿清微館

徐學謨 督學

故館清秋暮閒堦赤葉平驚心一夜雨側耳十年聲
已是愁無賴寧堪滴到明重來多難後逆旅念殘生
皇清

天柱峰

李炳 知州

高峻開千古惟武可以當上天尊北極絕頂映東陽
五嶽羣爲吏一峯獨自王帝真應坐此我亦到青蒼

大嶽太和山紀畧

卷八詩

六

平頂山望天柱峯

鍾嶽靈 本州人

經

參峰突起處羣嶂失峒堯青氣接天壘白雲上海潮
十圍松似草一棧路通霄安得端居此門邊望不遙
春半見參峰雪

百里參峯雪春中尚插天光生晴處冷白破晚來烟
鄭谷松初茂陶門柳正眠邱陵夕照直一曠眼眉邊

山行望天柱峯

沈冠 浙江人

進士

峭壁倚巒岿登臨豁大觀馬蹄行樹杪人影落雲端
迴折千峯合冥濛五月寒巍然天一柱還向碧霄看

又

山行良自愜吟眺復誰同秋色千峰雨濤聲萬壑風
懸梯荒蘚合曲徑暗泉通策杖輕三陟悠悠思不窮

天柱曉晴

徐京陞

竹谿知縣

早起看山色煙光蕩曉暎霞明千嶂麗天縱一峰尊
突兀黃金殿崢嶸黑帝闈列風如可御何處是崑崙

詩七言律

元

太和山

虞集學士

雪樹生香滿佩巾紫霄最上集仙真
苔荒鶴跡渾無路花暗笙聲不見人
瑶圃月寒通白曉丹臺雲暖駐長春
莫教流水山前去恐似桃源客問津

太和山

揭傒斯學士

太子巖吞獅子峯洞深雷響半虛空
黑龍去作人間雨白鶴來棲澗上松
日吐金芒朝五老煙橫玉帶遶

大嶽太和山紀畧

卷八詩

八

三公七星旗展颺輪降時有天香下九重

明

天柱凌雲

沐昕駙馬都尉

黛色參天玉削成
斷鰲誰識太初形
慶雲繚繞元都近
石磴參差黃道平
夜半風雷山下起
秋清星斗樹梢橫
祇今昭代超前代
徽號穹碑萬古榮

南巖

秀拔中天戴巨鰲
瀑聲直下鬼神號
氣吞泰華銀河近
勢壓岷峨玉壘高
日上羣峰明鎖闥
風回萬壑湧

秋濤紅塵一點飛難到跨鶴人來醉碧桃

太和山

李東陽大學士

神仙宮府事何如親見分符上紫虛山擁帝宮三十
六地屯兵衛五千餘人言才大難為用我愛官閒好
讀書臨別與君堪一博肯將青紱換緋魚

天柱峯

沈渾都御史

縹緲珠宮映翠微靈風長日滿龍旂函關伊昔青牛
去華表何年白鶴歸花落石壇春不掃露零仙掌曉
還晞樓船海外無消息山下閒雲萬古飛

大嶽太和山紀畧

卷八詩

九

登太和山

李宗木

七十二峯宿雨晴諸宮羅列葢珠明乾坤新幻蓬壺
影霄漢時傳鐘鼓聲漱石泉從雲裏聽振衣身在斗
邊行奇遊到此翻成愧坎壈浮名絆此生

登太和山

何遷少卿

帝子九龍遊海上太和千古亦蓬壺遙隣劍閣有巫
峽那復祝融雄楚都雪發松杉雙屐近風連河漢一
筇孤好尋大藥清虛表三十六岩今有無

登太和山

楊守禮副使

白鶴迎人下紫霄乘風仙子任飄飄山頭雨洗黃金
殿檻外蓮圍白玉橋虎伏靈龕迷澗水鸞隨明月下
笙簫紅塵不到仙家處回首繁華一夢消

登太和山

朱隆禧 給事中

紫翠光華楊柳天東風扶上太和巔吟猿曉掛仙人
掌瀑布春回玉女泉佇聽松聲諧雅韻乍看晴壑起
蒼煙追遊況得攜摩詰刻石相將記歲年

登太和山

張 臬 郎中

九日登高大嶽巔直從元帝探真源褰衣飛步三天

大嶽太和山紀畧

卷八詩

十

外吹帽驚捫北斗懸混闢陰陽奔日月蒼茫塵土隔
風烟神功綿邈歸明祚長似文皇創造年

登太和山

歐陽必進 尚書

萬丈丹梯倚帝宮紛紛求福往來通我來訪古五峰
下到此令人百慮空回首千岩紅日麗舉頭一柱白
雲籠修真苦口行當年事欲問頻催玉兔東

登太和山

吳子孝 參議

花發空山見使車春殘風雨乍晴餘雲中笙磬迎珠
蓋崖下星辰俯碧虛豈料牙冠初倚玉却憐鸞翮早

傳書赤霄望望登仙去似憶承明有舊廬

登太和山

陳紹儒副使

金殿瑤臺碧落齊三門萬仞轉丹梯雲雷互變中峰出河漢分流下界迷帝子嚴禋供寶篆神人真訣秘刀圭年來獨覺塵根淨喜傍名山學品題

又

名區削琢碧玲瓏秀水奇峯不易逢正憶玉書寥落後每疑金訣有無中九天夜月滋華屋萬里風雲射彩虹步入青坪導青佩鳳簫如縷滿瑤空

大嶽太和山紀畧

卷八詩

十一

仙關

胡宗憲御史

一入桃源路轉艱天風吹我渡仙關千層樓閣空中起萬疊雲山足下環攬轡自知王命重杖藜聊與道心閒元房寂寂春宵冷月上疎簾手可攀

南巖

沈良才都御史

路入南巖景更幽憑虛高閣迥生愁雲浮右檻簷疑動雨過松林碧欲流別澗泉聲時細細隔溪禽語晚啾啾道人指點神仙跡苔鎖荒臺滿目秋

紫霄宮

汪大受都御史

峭壁中天翠展旗，瓊臺疊疊紫虹霓。
金光殿閣明霞爛，瑞氣峯巒遠漢移。
六月杉松深帶雪，千年芝草淨依池。
忽聞先樂從空下，恍覺身遊玉帝墀。

南巖宮

五老峰前嶺路迴，南天勝地倚崔嵬。
百泉歸壑秋初靜，萬木攢雲晝未開。
鰲負珠宮懸翠壁，龍蟠瑞霧隱丹臺。
仙砮石畔青鸞化，留得神功度柳梅。

南巖宮

章

煥

都御史

三十六崖何者奇，南岩巖壑多幽姿。
飛空欲作翔鸞舞，跨澗真看渴虎垂。
樹杪迴瀾時隱見，雲中棧閣故參差。
歸旌欲問來時路，洞口雲深已不知。

紫霄宮

行盡青山入紫霄，函關紫氣鬱岧峩。
乍看雲霧生巾舄，轉覺簷櫳隔絳綃。
池上七星低可掬，峯前五老坐相邀。
空中冉冉聞清樂，指引鸞驂路漸遙。

玉虛橋上步月

偶向池邊問月明，不知身在月宮行。
玉虛元是清虛府，午夜今開不夜城。
姑射仙人真綽約，水晶宮殿自

輕盈冰姿皓魄嬋娟淨弄影相看浸碧泓

登太和山漫興

陳孟章 戶部主事

幾迴夢與赤松遊清賞今逢玉露秋寶殿玲瓏回碧
落丹梯宛轉入丹邱彤雲冉冉簷楹動遠嶠重重海
浪浮空裏漸聞天樂近函關應有跨青牛

又

袖帶飄飄入翠微幽關真與世情違花從削壁含香
放鳥向叢林得意飛四面青巒攢畫戟半天祥靄罩
羅幃鼎湖信有乘龍侶更喜岩頭掩竹扉

大嶽太和山紀畧

卷八詩

三

登太和山

張守直 工部侍郎

森羅仙逕接珠林塵世清都詎易尋帶露壇花常灼
灼棲鸞圃樹自陰陰山當八百荆吳壯水落東南漢
沔深自是名寰招隱地何人不動紫芝心

登太和少司空張筆翁韻

艾杞 工部主事

瓊宮上與碧霄齊曾入仙人舊品題谷口桃花翻白
雪洞門石髓護青泥龍幢一去乾坤老法座常懸日
月低自是陽春難屬和登高極目五雲迷

又

天門如柱轉紆賒迴首羣峰似列牙高閣御風瞻北極故鄉落日望西華花當三月明金殿仙去十年秘玉砂盡日看雲歸岫晚香爐石上數株花

登太和和少司空張筆翁韻

施篤臣副使

峒堯天柱紫宸齊帝子高居揭玉題卿月重來通鳥道使星遙望隔雲泥飛橋斜度南宮近虛閣平臨北斗低自是張騫仙骨異乘槎天上出塵迷

又

偶來採藥入仙林仙去林空何處尋石上黃芽春欲

大嶽太和山紀畧

卷八詩

西

暖洞前白雪晝常陰時時笙磬天門杳歷歷樓臺烟樹深歲暮山中無一事拋書終日獨觀心

雪天同林梅窓登太和

葉九金

均州知州

直上天門景更幽金城臺殿甲中州丹梯萬丈雲霞杳白浪千層雪霧收點點秦山橫地出悠悠漢水接天流銀河夜色清如許蓬島何須海上求

憇遇真宮

徐學謨

長苦紅塵攪鬢班西來詎意訪名山聊因白石留心賞敢乞黃金駐俗顏司馬好遊書未著向平何日事

方閒天峯雲壑如相憶肯許他年問九還

登天柱峯

盤礴西南插楚都遠襟嵩華控巴吳蓬壺亦在人間
世靈秘如探肘後符龍虎雄瞻丹闕迥煙霞秀瑩玉
城孤南岩指點昇真處恍惚仙靈定有無

過龍泉觀冒雨行卽景

王世貞

峭風含雨自成悽宛轉襄城轍漸迷岩電忽垂疑地
笑江雷初上似兒啼遙旌破壁看將沒雜樹含烟暈
卻齊恍惚淮南成道過西岩喔喔午時雞

太嶽太和山紀畧

卷八詩

五

由太和登絕頂

千盤轉盡見三門七十二峰朝至尊下插香爐勝廬
嶽中懸天柱卽崑崙銀瑛挾籟晴疑雨金殿搖光夜
不昏欲指羣方無可問青山處處白雲屯

又

絳節朱幡縹緲間縱非天漢不塵寰平超五岳王公
位肯數三峨伯仲山千嶂霧深銀作海九霄雲淨玉
爲關空餘沆瀣零仙掌消渴相如可再攀

太和宮

裴應章

居然鰲極載蓬萊金闕凌空次第開雲擁龜蛇浮帝
座月明鸞鶴度瑤臺雞鳴先得人間曙龍起時聞山
下雷七十二君金檢秘千年直待聖皇來

謁太和鄖江登舟

董裕都御史

日射波光擁客舟凌空一葉卽仙遊漢津故與銀潢
接元岳疑從弱水浮白鴈影隨沙島度丹楓寒傍水
淙流回看鄖子城頭樹十里煙嵐澹素秋

仙關道中

俞士章宜興人提

學道

大嶽太和山紀畧

卷八詩

夫

路入仙關別有香輕綃不耐曉生涼嵯峨翠岫雄三
界偃蹇喬枝老萬霜隨地羽衣迎管籥傍岩茅屋絕
梯航兩溪玉液清於鑑滌我塵襟未可量

遊玉虛宮

九渡溪頭一徑通海棠花落水流紅琳宮不盡懸岩
半棧道孤浮絕壁中王子笙歌青漢落劉安雞犬白
雲籠入山何事非尋勝獨此幽奇自不同

宿太和宮道房卽事

彭凌霄

小窻空翠入沾裳爽氣凝秋枕簟涼閭闔天邊開景

閣芙蓉嶂杪插蜂房疎星近宿依前殿飛電回看落
下方身在此間難穩臥驚心已到白雲鄉

曉登天柱峯

議

徐中行長興人

振衣秋色散鴻濛絕頂遙看萬里空不是三山飛海上
那能五嶽聚天中曜靈倒射黃金殿元武高臨赤
帝宮細數岩巒三十六朝來鰲極總相同

又

帝居天上五雲重朝罷風清萬壑鐘山擁百城皆翡

太嶽太和山紀畧

卷八詩

七

翠殿開千嶂盡芙蓉堦前香靄黃金鼎檻外星懸玉
女峰總道登封天子意每從雷雨見飛龍

宿五龍宮

方九功吏部員外

郎

數杯白酒罷殘更一榻蕭然伴月明訪道何年逢辟
穀偷閒今日且辭榮寰中夢覺邯鄲枕方外風傳子
晉笙擾擾紅塵成底事總來不似學長生

登天柱峯

絕頂摳衣禮北辰俯看蒼翠拾嶙峋蘇門嘯振千山

木黍谷吹迴大地春肩拍洪崖嘗作客心遊黃綺不
稱臣笑呼向長淹婚嫁猶愧當年五嶽人

同陳郡伯何郡丞望太和山

溫純少卿

危樓縹緲倚雲成西望名山勢若平太液揚波晴亦
雨天門返照夜還明相逢李杜饒新句幾遇金蘭感
舊盟安得乘風凌絕頂紫霄長聽步虛聲

登太和絕頂

盧仲田副使

天柱峰頭帝作宮四門高闕太虛中摩雲一點松山
小浴日千波海水紅卓筆森森撐太宇紫煙嫋嫋匝

大嶽和山絕畧

卷八詩

大

華封一從墮落塵寰久滌骨重來世已空

宿太和絕頂

蘇濬陝西參議

飄然雙鳥出雲門一柱孤高帝者尊巴楚諸流環壘
嶂燕秦千里薦芳蓀經緡海藏龜龍出劍指招搖虎
豹蹲七十二峯俱侍側便堪倚杖看兒孫

遊太和

鰲極何年駕地靈洞門寒雨晝冥冥雲開菡萏三千
里天列芙蓉十二屏玉柱半懸雙闕紫金宮遙插萬
峰青層霄咫尺瞻依近指點仙槎問客星

登天柱峯

府

鄧啟愚

南陽府知

凌空一柱曉擎天，綰霧披雲到大千。
晴挾萬峰花作雨，寒生五月日爲年。
露華浮動黃金殿，岩氣蒸成碧玉泉。
欲洗幻緣澄浩劫，手攜銀漢下風煙。

送陳寅齋分守大嶽

李長春

四川人

林

絳節遙從元嶽開，祠宮初下鳳城隈。
層霄星斗捫岩入，子夜琅璈謁帝來。
林外篆烟浮彩袖，松間珠露湛

大嶽太和山紀畧

卷八詩

九

仙盃玉京此地如，回首應上飛虹百尺臺。

送吳海寰歸武當

李

蔭

主事

萍合萍分未足吁，雲來雲去本無拘。
仙人謾說乘黃鶴，空谷今看有白駒。
好向地中尋琥珀，想於石上種菖蒲。
他時倘遇文園客，藥裹還期振槁枯。

從顏老師登武當絕頂

脫却紅塵駕紫烟，振衣雄視太和巔。
深山四月還飛雪，野客孤筇可拄天。
咫尺直堪朝上帝，遨遊何翅挾飛仙。
太虛寥廓無纖翳，長嘯琅風共灑然。

天柱峯絕頂

閃繼廸 梁南人

誰將巨斧劈鴻濛削出雲標萬仞雄
人世畫圖應不到道家方丈半懸空
瓊花夜灑峩嶒雪絳節朝迴閬苑風
橋路那須藜杖化步虛人在廣寒宮

武當山道中雜詠

洪翼聖 歙縣人汝

南叅政

五里一庵十里宮丹墻翠瓦望玲瓏
樓臺隱映金銀氣林岫迴環畫鏡中
門裂雙岩容馬度天開一徑許人通
當年丹竈傳猶在羽翮何由聳碧空

大嶽太和山紀畧

卷八 詩

辛

登天柱峯

費尚伊

千峰壁立插青霄絕頂煙霞迥自超
遂有神明趨黯淡豈無人物護岌堯
垂簷北斗真堪摘俯檻東皇乍可招
舊識仙人王子晉天邊鸞鶴坐相邀

又

高岩晴色隱危欄會說垂天八百盤
紫氣采從峰頂出紅雲低傍殿頭看
振衣入境摩黃鵠岸幘丈門跨紫鸞
欲按霓裳歌一曲恐驚星斗落欄杆

由太和入南巖

張維

千丈峯前試一過盤旋石磴鎖烟蘿清泉遶澗環蒼
壁翠篠吟風散玉珂樹暗虎岩人語少花香龍洞鳥
啼多飛昇臺上看仙蹟爲問長生事若何

紫霄宮

天作旗峰映翠微丹巖空壑尚依依樹臨紫氣乘牛
過路入青霄看鳥飛仙樂忽從天外轉嶺雲盡向洞
中歸羨門久訂食霞約直入元關與世違

皇清

壬子中秋登太和山

黨居易 均州知州

大嶽太和山紀畧

卷八 詩

三

大嶽峻嶒立漢東虛皇正位太和宮松間明月巢丹
鳳天際真人御曉風尊踞荆襄千嶂上光連雍豫二
州中登峰此日秋思迥寥廓金城帝座通

玉虛宮

王欽命 均州學正

仙原景物盡空霏縹緲琳宮隱翠微鐘過萬峯吞遠
色亭迎落照繫晴暉嶺雲含碧松花老澗水流香石
乳肥此日間遊疑夢幻身從碧落踏虛歸

題天柱峰

沈冠

合沓千峯翠靄重帝居雄踞碧芙蓉西來紫氣連華

嶽東望高盤俯岱宗風擁松濤搖洞壑雲翻石壁起
虬龍何人爲奏相如草更覩金泥玉檢封

五龍訪羽人不遇

幽人何處閉仙關鐘磬無聲鶴未還誰遣藤蘿迷曲
徑獨留烟靄鎖空山塔前澗水流逾靜洞口松風聽
自閒何用相逢論出世已疑身不在人間

參山 有小引

沈聯鑣 浙江人襄

陽守

筠翁楊憲臺借州牧王熙園年翁譜成太和圖

大嶽太和山紀畧

卷八 詩

三

志余披閱良久神與俱遊爰賦短章以志勝兼
訂山靈約焉

未到蓬萊第一峯披圖已覺過三手蓮花朵朵天風
下仙掌亭亭曉露濃金屋雲中飛白鶴玉虛洞裏吼
黃龍關西夫子臨川筆幾度摹成鐵杵蹤

遇真宮

張維霖 均州學正

物外飄然任去來煙光繚繞動徘徊個中消息會何
待靜裏分明豈用猜欲覓仙源浮漢祿將尋勝事臥
龍堆一時嘉會成千古遙憶風流山水隈

天柱峯

城縣教諭

劉珪 漢陽人

日射黃金繞殿光，憑高放眼倍神王。
嵐開楚蜀千山小，雨過岷嶓二水長。
但見衣冠同拜舞，不知歲月幾滄桑。
桐梅歷歷傳消息，莫謂仙家隔渺茫。

登太和山

樂醒 方外

嵯峨衆派獨隆從，應是崑崙第一峯。
四大名山皆拱極，五方仙嶽共朝宗。
鳥啼隱隱聞天語，鶴影翩翩度晚鐘。
我正欲尋招隱地，桃源洞口白雲封。

太和山紀畧

卷八詩

三

登南城望嶽

蔣一桂 新田訓導

均州人

翠微縹緲嶽光寒，尚憶登臨縱大觀。
一柱宛從天上落，千峰如向掌中看。
年來豺虎傳烽急，亂後風塵命屐難。
拄杖西南還極目，空憐爽氣散晴巒。

詠太和山

范明宗 襄陽郡守

鐵鎖危攀竟汝寥，紫垣香氣隱層霄。
岷嶓坐鎮還司北，翼軫當纏卻應杓。
五色雲端蛻擁節，九重天畔鳳諧簫。
自憐腸胃皆塵土，弱水微茫幾見招。

詩五言排律

明

淨樂宮

宮即古淨樂國也

王世貞

神農昔撫世淨樂已名都末法開金相真王得寶符
天從百戰順人役萬靈趨羽衛齊宸極丹青出睿謨
神功隨現有至理入論無莫尼羣真位遺編悞老儒

玉虛宮

即真武所拜玉虛師相名

霞矗黃金界虹飛白玉橋帝居開顯赫天路入岵堯
薜網雲常掛松珠露不消步將塵世隔境許俗心調

大嶽太和山紀畧

卷八詩

音

聖水流仍暖仙衣靜自搖可知笙鶴度特底引王喬
遇雨投紫霄宮宿

千山入窈冥萬壑助泠泠鳥道春元合龍宮夜不扃
摩雲峰展燾擲火帝流鈴倦引投枝易寒驚灑面醒
更衣朝紫極添篆讀黃庭却憶明朝路峰峯洗更清

謁太和宮

一柱太和宮干岩元氣中芙蓉寒不謝仙掌近還空
地是勾盤上橋從貫索通日輪團倏火天樂斷罡風
麋氏為宗國幽方反寓公赤明無信使吾欲證崆峒

登嶽日遇雨次二三日晴回均陽遇雨時久旱

志喜

董裕

扳嶽沾微潤回驪雨氣重乾封懷漢檢駐蹕憶秦松
灑道清炎激爲霖起臥龍千岩懸亂水四野失羣峯
夜響喧焦葉寒聲濕曉鐘祈年昭一念大有慰三農
不借襜褕暗忻回草樹容無慚朝帝闕親領湛恩濃

紫霄宮

蘇濬陝西參議

藜杖探仙域峰巒映客星雲橫三楚紫煙接五龍青
翡翠依丹府芙蓉削彩屏祥光時縹緲大道總元冥

大嶽太和山紀畧

卷八詩

五

寶籙軒轅紀清流禹跡亭寒松清倚澗疎磬靜緜經
悟到忘筌處潛鱗入夜聽

清微館舊榻聽泉六韻

徐學謨

霜後曉痕生枯洲漲復平蕭疎三夜雨斷送九秋聲
出谷沾雲濕排碕並瀨鳴欲成清夜聽故使亂流爭
響雜春梁急情隨搗練並相逢十載客欹枕到天明

題太和山

賈大亨御史

山峪凌虛灑神尊握化權珠宮壓鰲極金像體星躔
樹古元無紀霞深却有仙希夷丹氣滿邈邈劍光妍

十載頻飛夢孤攀尚阻緣信知俗士駕難遡洞門天
圖志酬真覽仙香寄遠虔元休綿聖壽和氣降豐年
皇清

題太和山

賈待聘

夏縣人竹

山縣知縣

地幽生靜悟境曠滌塵煩况復靈山古能令大道存
漢江千里外大嶽百川吞窅渺元天巧輝煌接帝閭
氣真籠宇宙高已並崑崙澗水魚龍伏奇峰虎豹奔
松杉青鬱鬱花藥綠翻翻曲院苔迷徑深房鳥叩門

大嶽太和山紀畧

卷八詩

三

過程疑幻影前路踏雲根萬念此俱寂羣音總不喧
低徊若見性悄悄竟忘言別是心明處功名何足論

題太和山圖二十韻

沈冠

天柱三千丈移藏半畝宮雲陰生戶牖樹影動簾櫳
置壑繩牀北標峰竹几東枕邊看舞鶴簷際駐飛鴻
磅礴輕綃外縱橫短幅中謝公幽賞便宗子卧遊同
石削峻嶒起泉流窈窕通翠屏蒼蘚合丹嶂碧霞籠
蘿黛疑懸雨松簧若奏風鐘聲聽髣髴日景辨瞳矓
嶺雪長凝白岩花不謝紅嚴冬榮月桂永夏得霜楓

氣勢飛揚甚神情點綴工丹青窮巧妙金碧煥遙空
絕頂宸居壯環山帝制雄諸天撐泱泱一氣俯鴻濛
恍惚臨真宰精靈赫寓公遊仙探閬苑訪道揖崆峒
邱壑心亡恙烟霞興不窮何須圖五嶽直此置微躬

詩七言排律

明

題太和山

白悅

尚寶寺丞

秦關初轉漢江東
薦藻靈岩問楚風
蜿蜒玉梯躋上界
嵯峨金闕列遙空
重林蔽壑深藏豹
峻嶺干雲半落鴻
西掖華嵩遲遠照
南襟巴隴伏長虹
瓊光入夜星辰燦
琪樹含春歲序同
香拂彩霞龍女度
旗翻赤電鬼神通
岡巒交秘乾坤秀
鼎竈常烹日月紅
定有天仙留逸駕
欲辭塵鞅入元宮
飛騰歷覽萬山小
盤

大嶽太和山紀畧

卷八詩

天

礪今看此地雄

詩五言絕句

明

松蘿峯

孫應鰲都御史

幕地翠宮滿松蘿恰作衣憑衿不盡興凝眺淡忘歸

七星峯

雲蕩金城北天迴斗極東解衣聊宴坐盤礴七星中

隱仙巖

王世貞

眞仙不住山那有山中跡固是謫仙人相逢不相識

獨陽巖

大嶽太和山紀畧

卷八詩

五

朔風寒不盡慘淡結浮陰念此閉關日悠然天地心

試心石

陡出三尺岩下臨千尺地道人呼試心無心可將試

摘星橋

夜半橋上星如螢拂衣袂爲摘歲精來欲驗偷桃事

詩七言絕句

唐

自題石像

孟浩然

假合身軀用墨塗
晶晶一點紙難摹
上天之載無聲臭
此個清光何處無

元

繫馬峰

羅震霆

待詔金門陟翠微
玉驄停駐踏朝暉
劃然雲路牽驥驥
得意朝天去似飛

大嶽太和山紀畧

卷八詩

三

明

登太和山

高遷 同知

仙宮遙在紫雲邊
仙樂曾聞白雪篇
莫怪武陵迷去路
可能天上住千年

坐南崖棋亭

曹享 副使

萬壑懸岩一小亭
坐來風雨變陰晴
遲回不見神仙侶
白髮連愁日夜生

登天門

桂榮 御史

山石離奇雪骨生
紫虛何處聽鸞笙
孤雲不鎖元關

夢卧看松枝掃月明

題太和山

吳百朋都御史

春日無心度物華且尋幽事到仙家
捲簾却對道人坐閒數棋枰看落花

黃崖峰

王世貞

雨脚霏霏暖不收皇岩風起忽成秋
浮雲半捲青天外一線襄江抱日流

五老峯

前年踏雪匡廬過今年暮春遊太和
五峰老人如舊

大嶽太和山紀畧

卷八詩

三

識不似當年白髮多

丹竈峰

縹渺仙踪未可非至今猶說彩雲飛
祇愁天地終須盡煉得丹成無處歸

太乙池

淺碧泓渟一鏡開探瓢欲酌更遲徊
孤峯到插青蓮影疑是真人坐葉來

登天柱遊南岩五龍諸宮皆萬曆乙卯仲春

熊養中

乙丑進士

黃岡人

春來一枕太和山身到名山夢亦閒
仙人笑指遊人路一洞天深一洞天
皇清

三丰衲

楊素蘊

仙才無處覓三丰破衲鍼須老母縫
巧婦鴛鴦空費手何如瓢笠亂雲封

仙人峯

盧維茲

均州訓導

誰人卜得五城居怪石山頭曝素書
烟火隔林看不

大嶽太和山絕畧

卷八詩

三

見世間遙望白雲廬

香爐峰

唐棣

庠生郡人

亭亭直上邈難攀絕頂孤圓似博山
我欲置身香案側隨君日覲至尊顏

詩六言

明

尹喜崖

孫應鰲都御史

夢中鑑中天地有用無用輻輪遠矣元帝老子儵然
文始真人

雲母巖

泛泛桃花春水萋萋靈草孤洲煙斷石岩欲裂雲飛
萬木俱浮

遊五龍宮

王世貞

大嶽太和山紀畧

卷八詩

三

聽雨過青羊澗披雲出紫葢峰曲曲蜿蜒復道層層
歷落怪松筍岩幾點鞞鞞擁殿千朶芙蓉倦時但引
三爵睡法不輸五龍

金鼎峰

十年文火武火一夕星飛霧飛惆悵雲臺夜色子春
獨自東歸

雲母岩

朶朶傲風雲葉層層薄日霜華傳得彭翁食法移來
此地為家

烏鴉廟

不學淮南雞犬一時相隨上天試問叢祠受賽何如
江畔迎船

天池

天上莫疑銀漢池底亦自青天白雲徐動玉皴明月
初起珠圓

按序志終以藝文非採華擷英侈爲觀美也大嶽
綿亘數百里蜿蜒奇異不可殫述而儒臣文士來
遊來歌者代不乏人登高憑眺飄然意遠於山見
峰巒之環拱於水見澗溪之清澄而於時日景物
則又有往復代謝之感目營心想而風雲之思拂
拂從腕下流出俾後之覽者靡不有會於斯文以
今視昔亦可得古人之用心矣而豈若羽牒仙經
妄談神異事者哉夫情來與往而文成則文固考
古者之橐籥觀累朝以及藝文諸體麟麟炳炳盪
爲全楚之鍾秀毓奇處也况今

聖世懷柔河嶽詔諭褒賁山靈之所以毓楚材者日
新月盛更莫可量爰得敘次藝文期與此邦人士
相爲詠歌以鼓吹休明是亦報

國文章之微忱也夫